

գերեզմանաքարեր, որ դռներու առջև տարածուած էին իբրև նստարան. արձանագրութիւններ շարունակ շրջուելով մնշուած էին, որպէս և խաչի նշաններն:

Ստուգեցինք որ մեր տան տէրը տան հիմերը փորելու միջոցին մեծ գումար մի ստակ գտած և հարստացած է, նորա հետեւած են իւր զիւղացիք իրենց տան հիմը և տանց շուրջը պեղած են, սակայն միայն գերեզմանաքարեր, խաչարձաններ, կաւէ անօթներ և սրբատաշ քար գտած են: Նոր գտնուած են 3 հատ հին զանգակներ, վերան անընթեռնելի գրեր:

Մեր նպատակն էր բերդը տեսնել, եօթ ընկերով բարձրացանք 25 վայրկեանի չափ հարաւ արևմտեան զառիվեր ուղղութիւն մի բռնելով. ժայռերէ վշրուած քարակոյաներու վերայէն էր շարունակ մեր ճանապարհը:

Պատահեցանք մի կոփածոյ խրամի, որ ժայռի զազաթէն սկսած երկարացած էր դէպի արևմտեան հիւսիս, տակաւ առ տակաւ շեղուած էր արևմտեան հարաւ բերդի ներքեւի ողին վրայ ընդհատուած, որով ընթերցողը կարող է զուշակել թէ հարաւային կողմն անհայելի էր՝ Շեռեան խիստ խոր անդունդ մի կազմած լինելուն:

Բերդի արտաքին դռան մօտ կանգ առինք, մեր առջևը բարձրացած է (հարաւ) յարևմուտս սպառուած Արուզէթայ բլուրին վերջին զազաթն, որ ժայռէ կազմուած է:

Բերդս ունի երկու պարիսպ, արտաքին և ներքին, արտաքին պարսպի մեծ մասն փլած է, որ և պատած էր բլուրի հիւսիսային երեսն:

Որպէս այլ վայրեր, նոյնպէս զիւղացիք պեղած են արտաքին դռան հիմերն զանձ գտնելու յուսով, որով